


World Missionary Press

Nzila ya Kwenda na Nzambi— Kituba



© 1994, Rose Stair Goodman. Muntu ya salaka foto na ntete, Edwin B. Wallace. Muntu ya salaka foto na dititi yai, ti na matiti 10, 12, 14, 16, 27, 29, 39, 41, 42, 44, 46, 47, ti 48, Meryl Esenwein. Baverse ya Bible kele ya traduction ya 1990, La Société Biblique du Zaïre. Beto kele na nswa na kusadila Bible yina.

NZAMBI GANGAKA NSI-NTOTO YE — 1 **BIMA YONSO YA KELE NA MOYO**

Na luyantiku...Nzambi salaka zulu ti ntoto. —Kuyantika 1:1

Sambu bima yonso yina kele na zulu ti yina kele awa na nsi-ntoto...Nzambi salaka yina yonso na lusadisus ya Kristo. —Kolosai 1:16

Mfumu Nzambi yina salaka zulu ti ntoto, yandi sakumuna beno. Zulu kele ya Mfumu Nzambi yandi mosi, kansi ntoto yandi pesaka yo na bantu. —Bankunga 115:15, 16

Nsi-ntoto yai vandaka kaka mbote bu Nzambi pesaka yo na bantu. Tanga mukanda yai na kuzaba inki mambu kubwaka na nima.

NZAMBI SALAKA BETO — 2



Ebuna Nzambi tubaka nde: "Ntangu yai beto ke sala bantu, bo ta vanda bonso beto, bo ta fwanana na beto. Bo ta yalaka bambisi...." —Kuyantika 1:26

MUNTU BAKAKA MOYO — 3

Ntangu yai Mfumu Nzambi bakaka putulu ya ntoto, yandi salaka na yo muntu. Yandi tulaka mupepe yina ke pesaka [moyo]* na mbombo ya muntu, ebuna muntu yantikaka kupema.
—Kuyantika 2:7

Ebuna Mfumu Nzambi tubaka mpi nde: "Kele mbote ve nde muntu kuzinga kaka yandi mosi. Mono ke sadila yandi muntu ya nkaka yina me fwana na yandi sambu na kusadisaka yandi...." Ntangu yai Mfumu Nzambi bwisaka muntu na mpongi ya ngolo yandi lalaka. Nzambi katulaka yandi mpanzi mosi, ebuna na kifulu yina yandi kangisaka musuni. Na mpanzi yina ya yandi katulaka na muntu, yandi salaka nkento, ebuna yandi kwisaka kunata nkento na muntu.
—Kuyantika 2:18, 21, 22

*Ndinga yai moyo zola tuba nde moyo na beto ta zinga mvu ya mvu na kisika mosi to na kisika ya nkaka.

ADAMI TI EVA LEMFUKAKA VE NA NZAMBI — 4, 5



Mbote beto lemfuka ve ata fioti na ndinga ya Satana.

Ntangu yai Mfumu Nzambi bakaka muntu, yandi

tulaka yandi na kilanga na ntoto ya Edeni sambu na kusalaka muna ti katalaka yo mbote-mbote. Yandi tubaka na muntu nde: "Nge lunga kudia bambuma ya konso nti yai ke pesaka mayele sambu na kuzaba mambu ya mbote ti mambu ya mbi. Kilumbu ya nge ta dia yo, kilumbu yo yina nge ta fwa."

—Kuyantika 2:15-17

NIOKA, YINA YA BETO BINGA MPE DIABULU TO SATANA, TULAKA KETI-KETI SAMBU NA KIYEKA YA NZAMBI. YANDI TUBAKA LUVUNU.

Nioka nde: "Luvunu! Beno ta fwa ve." Nkento monaka nde nti yina kele kitoko, bambuma na yo mpi ke monana kitoko ya kudia. Yandi yindulaka mpi nde yo kele mbote na kukuma mayele. Yandi bakaka mbuma mosi...yandi diaka yo...bakala mpi diaka yo. —Kuyantika 3:4, 6

ADAMI TI EVA VANDAKA NA MPILA DIAKA VE NA KUBIKALA NA BILANGA —6



Yo yina Mfumu Nzambi kulaka yandi na kilanga ya Edeni, yandi songaka yandi na kwenda kubundula ntoto...yandi tulaka bawanzio yai basherube, bo me simba mbele yina ke pela tiya...kukangisa nzila na konso muntu yina zola kwisa penepene.... —Kuyantika 3:23, 24

MASUMU YA ADAMI TI EVA NATAKA MAWA SAMBU NA BANTU — 7

Masumu me kotaka na nsi-ntoto sambu na mbi ya muntu mosi yai Adami, ebuna masumu me kwisaka kunata lufwa. Yo yina, bantu yonso ke fwaka.... —Roma 5:12

Mambu mosi ya beto fweti kubambuka.

Konso muntu kele na masumu ke bendaka yandi na ntima tuka lubutuku na yandi. Lumbu mosi beto yonso ta fwa sambu masumu nataka lufwa. (Tanga Roma 5:12 diaka.)

LUKANU YA NZAMBI YA LENDA KATULA BETO NA MASUMU IKELE NA KUTINDA MWANA NA YANDI — 8



Yandi ta buta mwanabakala. Nge ta pesa yandi zina: Yesu, sambu yandi...ta katula bantu na manumu n bo. —Matayo 1:21

Na kukuma muntu, Mwana ya Nzambi butukaka bonso mwana.

Sambu Nzambi ke monikaka mpenza na kimuntu ya Kristo. —Kolosai 2:9

YESU KELE NZAMBINA NITU YA MUNTU — 9

Ntangu Nzambi vandaka me sala ntete ve bima yonso, Ndinga vandaka. Ndinga vandaka ti Nzambi. Ndinga vandaka Nzambi...Ndinga kitukaka muntu. Yandi zingaka na kati na beto. —Yoane 1:1, 14

Mambu yina yonso bwaka sambu na kulungisa mambu yina ya Mfumu Nzambi songaka profete na kutuba, nde: "Mwana-nkento yina me zabaka ntete bakala ve ta baka divumu, yandi ta buta mwana-bakala." Bo ta pesa yandi zina: "Emanuele", (disongidila nde Nzambi kele na beto)... —Matayo 1:22, 23

Mwana me butuka na beto! Nzambi me pesa beto mwana ya bakala! Yandi yina muntu ta yalaka beto. Bo ta bingaka yandi Konseye ya Mayele, Nzambi ya Ngolo, Tata ya Mvula na Mvula, Mfumu ya Ngemba. —Yezaya 9:5

YESU KRISTONKAILU YA KITOKO SAMBU NA BETO — 10

Kristo *vandaka* na masumu ve.... —2 Korinto 5:21

Yandi *salaka* masumu ve... —1 Piere 2:22



Bankailu yonso ya bantu salaka, yo yonso vandaka na mpila ve na kukatula masumu, sambu yo vandaka ve nkailu KUKONDA MASUMU.

Sambu menga ya ngombe ti menga ya nkombo yo lenda ve ata fioti kukatula masumu ya bantu. —Baebreo 10:4

Yesu kele Mwana-dimeme ya Nzambi. "Tala Mwana-dimeme ya Nzambi, yina ke katulaka masumu ya bantu yonso!" —Yoane 1:29b

YESU PESAKA MOYO NA YANDI SAMBU NA KUGULUSA BETO — 11, 12


Bo fwaka Yesu na zulu ya kulunsi sambu bantu ya mbi mengaka yandi. Kansi lufwa vandaka lukanu ya Nzambi. Yesu solaka na kudipesa moyo na yandi mosi sambu na kugulusa beto na

masumu ya beto me salaka. Yesu nde: "Ata muntu mosi ve lenda katula mono moyo, kansi mono mosi ke pesa yo...Mono ke na kiyeka ya kupesa yo, mono ke na kiyeka ya kubaka yo diaka mpi..." —Yoane 10:18

YESU SUMBAKA BETO NA MENGA YA MWANA-DIMEME YA NZAMBI

Sambu beto zaba inki Nzambi futaka sambu na kukatula beno na luzingu ya mpamba-mpamba...kima katulaka beno na luzingu yango kele makabu ya kuluta ntalu: menga ya Kristo, yina vandaka bonso mwana-dimeme mosi ya kukonda kifu ti ya kukonda batashe. —1 Piere 1:18, 19

Bankailu ya nkaka lenda sukula beto na masumu ve.



...Sambu na menga ya Kristo, Nzambi me ndima beto; mpidina Kristo ta gulusa beto mpenza na ndola yina ya Nzambi ta pesa beto na makasi na yandi. —Roma 5:9

"Yesu, yindula mono ntangu nge ta kwisa kuvutuka sambu na kuvanda ntotila."

Muyibi yai kwikilaka Yesu, ebuna yandi gulukaka.

"...Kieleka, yantika bubu yai, nge ta vandaka ti mono na Paladiso." —Luka 23:43

Muyibi yai kwikilaka Yesu ve, ebuna yandi gulukaka ve.

...Kristo fwaka sambu na beto ntangu beto vandaka kaka bantu ya masumu. —Roma 5:8

BO YONSO YA KWIKILA NA MWANANZAMBI BO KE NA MOYO — 13

Nzambi me lutaka kuzola bantu yonso; yo yina yandi pesaka bo mwana mosi yina kele na yandi, sambu konso muntu yina me ndima yandi na ntima na yandi, yandi kufwa ve, kansi yandi kuvanda na moyo ya mvula na mvula. —Yoane 3:16

Yandi me katulaka beto na kimfumu yai ya mpimpa, ebuna yandi me kotisaka beto na kimfumu ya Mwana na yandi ya yandi ke zolaka. Sambu na Mwana na yandi yina beto kele diaka bampika ya masumu ve. Nzambi me lolulaka beto. —Kolosai 1:13, 14

YANDI ME TELEMA! — 14



Wanzio tubilaka bankento nde: "Beni kuwa boma ve, sambu mono zaba nde beno ke sosa Yesu yina ya bo tulaka na zulu ya kulunsi. Yandi kele awa ve, Nzambi me tedimisa yandi na lufwa mutindu yandi tubaka. Beni kwisa kutala kisika ya yandi vandaka ya kulala." —Matayo 28:5, 6

YESU TELEMAKA NA LUFWA — 15

"Mono kele muntu yina ke na moyo. Mono fwaka, kansi ntangu yai mono ke na moyo mvula na mvula. Mono ke yala lufwa, mono ke yala mpi nsi ya bantu yina me fwaka." —Kusonga 1:18

"...Sambu mono ke na moyo, beno mpi ta vanda na moyo." —Yoane 14:19


Kristo me nunga lufwa ye yandi ke na bansapi ya ke kanga to kangula lufwa, yo yina beto lunga kuwa boma diaka ve na meso ya lufwa.

Kansi na ntangu ya boma mono ke tulaka ntima kaka na nge, Nzambi-Mpungu. —Bankunga 56:4

YESU LENDA GULUSA NGE, YE YANDI KE SAMBILA NGE

Kansi Yesu, yandi ke zingaka mvula na mvula ebuna ksalu na yandi ya kinganga Nzambi yo lenda mana ve. —Baebreo 7:24, 25

BETO LENDA BAKA MOYO YA MVULA NA MVULA — 16



Inki nzila NGE ke landa?

Yesu Kristo kele NZILA ke pesa MOYO ya mvula na mvula sikamosi ti Nzambi.

Satana kele nzila ke pesa LUFWA ya mvula na mvula.

Mwana yai ke zenga mbote-mbote. Yandi me sola moyo ya mvu ya mvu.

INKI MPILA NGE TA ZENGA? — 17

"...Beno sola bubu yai kana nani nzambi beno me zola kusambila...." —Yozue 24:15

"...Beno sola luzingu sambu beno zinga, beno ti bana na beno." —Kulonga 30:19

YESU KELE NZILA YA MOYO YA MVULA NA MVULA

"Bantu lenda guluka kaka na yandi, sambu Nzambi me pesaka bantu zina ya muntu ya nkaka ve awa na nsi-ntoto yina lenda gulusa bo." —Bisalu 4:12

"Mono muntu kele Mfumu Nzambi; ngulusi ya nkaka kele ve, kaka mono." —Yesaya 43:11

SAMBU NA INKI BETO FWETI SOLA YESU KANA BETO ZOLA BAKA MOYO YA MVU YA MVU? — 18 - 21



1. *Yo vandaka Yesu ya kwisaka.*

"...Mono kwisaka na mpila nde bantu kubaka moyo ya mvula na mvula..."
—Yoane 10:10

2. *Yo kele Yesu ya zola beto, ye yandi ya fwaka sambu na beto.*

...Mwana Nzambi...zolaka mono...fwaka sambu na mono. —Galatia 2:20

Yesu kumaka muntu ya nitu ti ya menga bonso beto, na mpila nde, na lufwa na yandi, yandi fwa Satana yina ke na kiyeka ya lufwa. —Baebreo 2:14, 15

3. *Kaka menga ya Yesu lunga katula masumu na beto.*

...Sambu mono ke vandaka na menga, yo yina mono ke lolulaka mbi ya muntu sambu na menga.
—Levi 17:11

...Menga ya Mwana na yandi Yesu mpi ke katulaka masumu na beto yonso. —1 Yoane 1:7

Sambu na Mwana na yandi yina beto kele diaka bampika ya masumu ve, Nzambi me lolulaka beto. —Kolosai 1:14

4. *Yo kele Kristo ya telemaka na lufwa.*

Sambu beto zaba nde Nzambi tedimisaka Kristo na lufwa, Kristo lenda fwa diaka ve; mpamba ve, lufwa ke na kiyeka ya kusimba yandi diaka ve. —Roma 6:9

Kristo me fwaka sambu na bantu yonso, sambu bantu yina ke na moyo, bo zinga sambu na bo mosi diaka ve, kansi sambu na Kristo.... —2 Korinto 5:15

Yesu nde, "...Sambu mono ke na moyo, beno mpi ta vanda na moyo." —Yoane 14:19

5. *Beto fweti vanda na Mpeve ya Kristo kana beto zola Nzambi na kutedimisa beto na moyo ya mvula na mvula.*

Kristo kele na kati na beno, ebuna beno fweti tula ntima nde beno ta baka ndambu...ya lukumu...ya Nzambi. —Kolosai 1:27c

...Kana Mpeve na yandi ke zingaka na ntima na beno, yandi ta songa Mpeve na yandi na kupesa moyo na nitu na beno yina ta fwa. —Roma 8:11

**TALA MBOTE NA KUZABA NDE MPEVE
YA KRISTO KE ZINGA NA KATI YA NGE**

...Muntu yina ke na Mpeve ya Kristo ve yandi kele muntu ya Kristo ve. —Roma 8:9



Landa malongi ya yantika na dititi 24.

Mwana ke songaka nde yandi kele nani na mambu ya yandi ke salaka....
—Bingana 20:11

"Yesu ke zola mono, Bibila ke tuba yo."

YESU ZOLA BANA YONSO — 23

Kansi Yesu songaka bantu yina na kunata bana na bo penepene na yandi, ebuna yandi tubilaka balonguki ...nde: "Beno bikisa bana bo kwisa awa na mono. Beno kanga bo nzila ve, sambu Kimfumu ya Nzambi kele ya bantu yina kele bonso bo." —Luka 18:16

...Tata na beno yina kele na zulu ke zolaka ve nde ata leki mosi...kuvila. —Matayo 18:14

Ata nge kele konso nani to zinga konso sika, Yesu zola nge ye fwaka sambu na nge. Yesu sosa luzolo na nge, ye nge lenda songa luzolo na nge sambu na Yesu.

"Kana beno ke zolaka mono, beno ta landaka bansiku na mono." —Yoane 14:15

INKI MUTINDU KUKOTA NA NZILA YA NZAMBI? — 24-28



1. *Ndima nde nge kele muntu ya masumu (nge me lemfuka ve na Nzambi).*

...Bantu yonso me salaka masumu, bo ke na lukumu ya Nzambi mpi ve.
—Roma 3:23

2. *Kwisa na Nzambi na nzila ya Yesu Kristo.*

Sambu Nzambi mosi kaka kele, ebuna muntu mosi kaka kele yina ke vukisaka Nzambi ti bantu. Muntu yina kele Yesu Kristo. —1 Timoteo 2:5

Yo yina yandi lenda gulusa mpenza bantu yonso yina ke kwendaka penepene na Nzambi na ngolo na yandi.... —Baebreo 7:25

Yesu nde, "...Konso muntu yina ta kwisa na mono, mono ta buya yandi ve." —Yoane 6:37

3. *Balula ntima sambu na masumu.*

(Kumona mawa sambu na masumu na nge na mpila nde nge ta bika mambu yina.)

Yo yina beno balula ntima.... —Bisalu 3:19

...Nzambi ke kangaka ntima sambu na beno, sambu yandi ke zolaka ve nde ata muntu mosi kuvila; kansi yandi ke zolaka nde bantu yonso kubalula ntima. —2 Piere 3:9

4. *Ndima masumu na nge na Yesu. (Songa yo na Yesu.)*

Kana beto ndima masumu na beto...Nzambi ta...lolula beto...—1 Yoane 1:9

Na zulu ya banzila yai, sonika 1 Yoane 1:9. Nge lenda mona yo na zulu ya maboko ya ke samba na dititi 25.

5. *Bika masumu na nge.*

(Kulanda kusala yo diaka ve.)

Luzingu na nge ta bonga ve kana nge meka kubumba masumu na nge; ndima yo, balula ntima na nge, ebuna Nzambi ta wila nge mawa. —Bingana 28:13

Bika kusala mambu ya mbi, sala mambu ya mbote.... —Bankunga 37:27

...Kuguluka yina ya beno me gulukaka yo kele ve sambu na mambu yina ya beno mosi me salaka, kansi yo kele kaka makabu yina ya Nzambi me pesaka beno sambu beno me tulaka ntima na yandi. —Efezo 2:8, 9

6. *Kwikila Yesu Kristo.*



Kana nge ke ndimaka na munoko na nge na meso ya bantu yonso nde: "Yesu kele Mfumu" ti kana nge ke kwikilaka na kati ya ntima na nge nde Nzambi tedimisaka yandi na lufwa, nge ta guluka. —Roma 10:9

...Tula ntima na Mfumu Yesu, ebuna nge ta guluka, nge ti bantu kele na nzo na nge. —Bisalu 16:31

7. *Baka Yesu Kristo na ntima ti na moyo na nge.*

Kaka nge mosi lenda kangula kielo ya ntima na nge, ye yamba Yesu sambu yandi kota. Yesu nde, "Kuwa! Mono me telema na kielo, ke bula. Kana muntu kuwa ndinga na mono ti kukangula kielo, mono ta kota...."
—Kusonga 3:20

Kansi bantu ya nkaka yambaka yandi, bo ndimaka yandi mpi na ntima na bo. Ebuna yandi pesaka bo kiyeka na kukituka bana ya Nzambi. —Yoane 1:12



KUSAMBA SAMBU NA KUYAMBA YESU — 29

Kana nge ke na mfunu ya lusadisambu na kusamba, nge lenda landa lombilu yai bonso mbandu:

Mfumu Yesu Kristo,



Matondo sambu nge kufwaka na zulu ya kulunsi sambu na masumu na mono. Mono me mona mawa sambu na mbi yonso ya mono me sala. Kwisa kota na ntima na mono. Zinga na ntima na mono ya mvula na mvula. Mono ke tula nge ntima sesepiyai. Sukula ntima na mono. Mono baka nge, mono ndima nge, mono yamba nge bonso Ngulusi ye Mfumu na mono. Na zina ya Yesu, Amen.

KANA YESU KELE NA NTIMA, NGE KELE NA MOYO — 30

...Nzambi me pesaka beto moyo ya mvula na mvula; moyo yina kele na Mwana na yandi. —1 Yoane 5:11, 12

"...Muntu yina ke waka malongi na mono, ke ndimaka mpi muntu yina tindaka mono, yandi ke na moyo ya mvula na mvula." —Yoane 5:24

Ntangu nitu na nge ta fwa, mbala mosi nge ta vanda sikamosi ti Mfumu Yesu (2 Korinto 5:8).
...Kristo kele na kati na beno, ebuna...beno ta baka ndambu...ya lukumu...ya Nzambi. —Kolosai 1:27

Kana nge me samba Yesu sambu yandi lolula masumu na nge, kana nge me tula ntima na yandi bonso Ngulusi na nge, sonika zina na nge awa:

INKI MUTINDU KULANDA YESU LUMBU NA LUMBU — 31



Tanga baverse ya Bible (Ndinga ya Nzambi) konso lumbu ye bumba yo na ntima. Longuka kutuba baverse ya lenda sadisa nge. (Mingi kele na kati ya mukanda yai.)

Bo sonikaka Mukanda ya Nzambi yonso na ngolo na yandi; mambu yonso kele na kati yo kele mfunu sambu na kulonga bantu mambu ya kieleka, sambu na kusungika bifu yina kele na mambu ya bantu ke longaka, sambu na kubongisa bantu, ti sambu na kulonga bantu na kuzinga luzingu mosi ya kinzambi. —2 Timoteo 3:16

SAMBA YESU NA BISAMBU KONSO NTANGU — 32



Tonda Yesu sambu na mambu yonso ya mbote yandi me sadila nge. Tonda yandi sambu yandi me gulusa nge. Lomba lusadisu na konso mambu nge ke na yo mfunu. Samba na zina ya Yesu.

...Kana beto ke lomba konso kima bonso kele luzolo na yandi, beto zaba mbote nde yandi ke wila beto. —1 Yoane 5:14

"...Tata ta pesa beno mambu yonso yina ya beno ta lomba yandi na zina na mono." —Yoane 16:23

...Bankaka fweti samba Nzambi sambu na bankaka.... —Yakobo 5:16b

LOMBILU YA YESU LONGAKA BALONGUKI NA YANDI — 33

(Mulonguki kele muntu ya ke landa Yesu.)

Yesu songaka balonguki na yandi kusamba bonso yai:

"Tata na beto kele na zulu, Zina na nge ya santu kuvanda ya lukumu, Kimfumu na nge kwisa, Luzolo na nge kusalama awa na ntoto bonso na zulu. Pesa beto bubu yai madia yina ya beto ke na yo mfunu. Lolula beto bantu ya masumu mutindu beto mpi me lolulaka bantu yina me salaka beto mbi. Kubikisa beto ve na kumona mpasi ya kuluta mingi, kansi katula beto na maboko ya Muntu ya Mbi." —Matayo 6:9-13

Mbote kulonguka lombilu yai. Bakwikidi mbala mingi samba lombilu yai na kimvuka na bisambu na bo.

BANSIKU KUMI YA NZAMBI LONGA BETO INKI MUTINDU BETO FWETI KUZINGA — 34, 35

(Kubasika 20)

Bansiku Iya Ya Ntete Songa Inki Mutindu Kuzola Nzambi

1. Kusamba banzambi ya nkaka ve, kaka mono.
2. Kusala ve biteki to bifwanisu....Kufukama ve na ntwala ya biteki sambu na kusambila yo....
3. Kusadila zina na mono Mfumu Nzambi, Nzambi na nge, mpamba-mpamba ve.
4. Zitisa Kilumbu ya Kupema, yo kele kilumbu na mono Mfumu Nzambi.

Bansiku Sambanu Ya Nsuka Songa Inki Mutindu Kuzola Bantu

BANSIKU KUMI YA NZAMBI (Diaka)

5. Zitisa tata na nge ti mama na nge.
6. Kufwa muntu ve.
7. Nge bakala, kulala na nkento ya nkaka ve; nge nkento, kulala na bakala ya nkaka ve.
8. Kuyiba ve.
9. Kutuba ve kitemwe ya luvunu sambu na mpangi na nge.

10. Kuyuma ntima ve na...konso kima ya ngani.

KULEMFUKA NA NZAMBI KELE MFUNU KANA BETO ZOLA NZAMBI NA KUPESA MVUTU NA LOMBILU NA BETO

Mambu yina yonso ya beto ke lombaka na yandi, yandi ke pesaka beto yo, sambu beto ke landaka bansiku na yandi, beto ke salaka mambu yina ke pesaka yandi kiese. —1 Yoane 3:22

BANSIKU ZOLE YA LUTA NENE — 36

Zola ya Nzambi

1. Yesu tubaka nde: "Nge fweti zola Mfumu Nzambi na nge, na ntima na nge yonso, na luzolo na nge yonso ti na mabanza na nge yonso." —Matayo 22:37, 38

Zola ya bantu



2. "Nsiku ya zole kele mpi mfunu kiteso mosi...Nge fweti zola mpangi na nge bonso nge mosi." —Matayo 22:39

Bansiku kumi yonso (tala matiti 34 ti 35) ke monika na kati ya bansiku yai zole ya luta nene.

ZOLA

ZOLA ME LUTA NENE — 37, 38

Kapu Yai Ke Songa Zola

(1 Korinto 13:1-8, 13)

¹Mono lenda tuba bandinga yina ya bantu ke tubaka (to) ya bawanzio ke tubaka, kansi kana mono ke na kuzola ve na ntima, kutuba na mono kele ya mpamba....²Mono lenda vanda na mayele ya kuzabisa nsangu ya Nzambi...mono lenda bakisa mambu yonso me bumbanaka, mono lenda mpi vanda na lukwikilu yina lenda katula ngumba...kansi kana mono ke na kuzola ve na ntima, mono kele muntu ya mpamba. ³Mono lenda kabila bantu ya nkaka bima na mono yonso...kansi kana mono ke na kuzola ve na ntima, mambu yina kele mfunu ve. ⁴Muntu yina ke na kuzola yandi ke kangaka ntima, yandi kele muntu ya mbote, yandi ke na kimpala ve, yandi ke kudisongaka ve, yandi ke na lulendo mpi ve. ⁵Muntu yina ke na kuzola yandi ke salaka ve mambu ya nsoni, yandi ke sosaka ve mambote na yandi mosi, yandi ke waka makasi ve, yandi mpi ke yindulaka ve mambu ya mbi ya bantu ya nkaka me sala yandi. ⁶Muntu yina ke na kuzola yandi ke monaka kiese ve sambu na mambu ya mbi, kansi yandi ke monaka kiese sambu na mambu ya kieleka. ⁷Na mambu yonso, muntu yina ke na kuzola na ntima yandi ke lembaka ve, yandi ke kwikilaka, yandi ke tulaka ntima, yandi ke kangaka ntima. ⁸Kuzola ke manaka ve....

¹³Kansi ntangu yai me bika mambu yai tatu: lukwikilu, kutula ntima, ti kuzola; kansi na mambu yai yonso tatu, kuzola me luta nene.

NZAMBI KELE ZOLA

...Nzambi ke zolaka bantu. Konso muntu yina ke zolaka bantu ya nkaka na luzingu na yandi, yandi kele na kimvuka ti Nzambi, Nzambi mpi kele na kimvuka ti yandi. —1 Yoane 4:16



YESU ZOLA NGE KUSONGA BANTU YA NKAKA NSANGU YA YESU — 39

(na familia, na nzo-nkanda, na dibundu, na konso sika)

Yesu tubaka, "Vutuka na nzo na nge ti na bampangi na nge. Zabisa bo mambu yonso ya Mfumu Nzambi me sala nge, ti nki mutindu yandi me wila nge mawa." —Marko 5:19

INKI MUTINDU KUZABA NANI KELE MWANA YA NZAMBI YA KIELEKA — 40, 41

...Bantu yina ke tubaka mambu ya luvunu na zina ya Nzambi, beno ta bakisa bo na mambu yina ya bo ke salaka. —Matayo 7:20

...Mambu ya bantu ke salaka na ngolo ya Mpeve-Santu, yo yai: bo ke zolanaka, bo ke vandaka na kiese ti ngemba, bo ke kangaka ntima, bo ke salaka mambote ya bantu ya nkaka.... —Galatia 5:22

"Bantu...yina me salaka beno mbi, kana beno ke lolula bo, Tata na beno kele na zulu mpi ta lolula beno." —Matayo 6:14

MAKAMBU 7 YA NZAMBI KE ZOLA VE ATA FIOTI

Meso ya lulendo, munoko ya luvunu, maboko yina ke fwaka bantu me sala mbi ve, ngindu yina ke zolaka mambu ya mbi, makulu yina ke kwendaka kusala mbi nswalu, temwe yina ke tubaka luvunu...ti muntu yina ke tulaka mavanga na kati ya bampangi. —Bingana 6:17-19

MAKAMBU YA KIMUNTU:



...Pite, bamambu ya nsoni, bamambu ya potopoto, kusamba banzambi ya biteki, ti kusadila kindoki. Bo ke kumaka bambeni na kati na bo, bo ke nwanaka bo na bo, bo ke vandaka na kimpala, bo ke waka makasi, bo ke tulaka ntembe. Bo ke kabanaka, bo ke buyanaka bo na bo...bo ta vanda bantu ya Kimfumu ya Nzambi ve. —1 Korinto 6:9-10

PESA YESU NZILA

Beno ya nkaka vandaka mutindu yina. Kansi beno me sukulaka ntima

na beno, Nzambi...me kitulaka beno bantu na yandi...na zina ya Mfumu Yesu Kristo ti na Mpeve-Santu. —1 Korinto 6:11

BILUNGI KELE KISIKA YA KIELEKA — 42



(Tanga Luka 16:19-26.)

Yindula mbote sambu na kuzaba nde nge ke tula ntima na Yesu Kristo. Yandi ta sonika zina na nge na kati ya Mukanda ya Moyo na yandi.

Konso muntu yina ya bo sonikaka zina na yandi na mukanda ya moyo ve, bo losaka yandi na dizanga ya tiya. —Kusonga 20:15

YESU KELE NZILA MOSI KAKA YA KWENDA NA NZAMBI — 43

Nzambi me pesaka beto moyo ya mvula na mvula; moyo yina kele na Mwana na yandi. —1 Yoane 5:11

Sambu nsuka ya masumu kele lufwa; kansi makabu yina ya Nzambi ke pesaka beto na luzolo na yandi, yo kele moyo ya mvula na mvula ya beto ke na yo na kimfuka ti Mfumu na beto Yesu Kristo. —Roma 6:23

Konso muntu yina me ndima Mwana yina na ntima na yandi, yandi ke na moyo ya mvula na mvula; kansi konso muntu ke lemfukilaka Mwana yina ve, yandi ta baka moyo ve kansi Nzambi ta wilaka yandi makasi. —Yoane 3:36

Yesu ne: "Mono kele nzila, mono kele kieleka, mono kele moyo. Ata muntu mosi ve lenda kwenda na Tata na nzila ya nkaka kana yandi kwisa na mono nzila ve." —Yoane 14:6

ZULU KELE KISIKA YA KIELEKA — 44



Na mbona-meso ya Yoane monaka (Kusonga 21), yandi monaka zulu ya mpa ti ntoto ya mpa. "Yandi ta kusula mansanga yonso na meso na bo. Lufwa ta vanda diaka ve...bo mpi ta waka diaka mpasi ve. Na ntangu yina mambu ya ntama ta vanda me vila. Ebuna muntu yina me vanda na kiti ya kimfumu tubaka nde: 'Ntangu yai mono ke sala bima yonso ya mpa!'" —Kusonga 21:4, 5

Yoane monaka mpe Bwala ya Santu, Yerusalemi ya Mpa, kulumuka na Nzambi na zulu. "...Bo tungaka lupangu

na matadi ya yaspe, kansi bo tungaka bwala yo mosi na wolo mpenza...." —Kusonga 21:18, 19

YESU ME KWENDA SAMBU NA KUYIDIKA — 45

KISIKA SAMBU NA BAKWIKIDI YONSO

"Beno kumona mpasi ve na ntima. Beno tula ntima na Nzambi, beno tula ntima mpi na mono. Bisika ya kulala kele mingi na nzo ya Tata; mono ke kwenda kuyidikila beno kisika...Ebuna na nima...mono ta kwisa diaka kubaka beno sambu beno mpi kuvanda ti mono kuna ya mono ta vanda." —Yoane 14:1-3

SONGA NSANGU YAI NA BANTU YA NKAKA

Yesu nde: "Beno kwenda kulonga Nsangu ya Mbote na bantu yonso, na bansi yonso." —Marko 16:15

MAMBU YA NZAMBI ME SILA BANA NA YANDI — 46

"...Mono ta bikisa nge ve ata fioti." —Baebreo 13:5

"Nzambi ta songa bawanzio na yandi na kutanina nge na banzila na nge yonso." —Bankunga 91:11



"...Mono ta vandaka ti beno bilumbu yonso tii na nsuka ya ntoto." SMatayo 28:20

"Kuwa boma ve sambu na mpasi yina ya nge ta mona....Simba kaka lukwikilu na nge tii na kilumbu ya nge ta fwa, ebuna mono ta pesa nge moyo yina kele bonso mpu ya lukumu." —Kusonga 2:10

"Samba mono, mono ta wila nge...." —Yeremia 33:3

YESU TA KWISA DIAKA — 47

Bantu yonso ta telema na lufwa.



...Bantu yonso yina me fwaka kele na maziamu, bo ta wa ndinga na yandi; ebuna bo ta basika na maziamu na bo. Bantu yina me salaka mbote, bo ta telama sambu na kubaka diaka moyo, kansi bayina me salaka mbi, bo ta telama sambu na kubaka ndola na bo. —Yoane 5:28, 29

Bakristo ya fwaka na kristo ta telema ntete.

Nzambi ta tedimisa ntete bantu yina vandaka bakristo ntangu bo fwaka; na nima, beto bantu ta vanda na moyo na kilumbu yina, Nzambi ta baka beto nzila mosi ti bo, ebuna yandi ta nata beto na matuti sambu beto kwenda kukutana ti Mfumu Yesu... Mpidina, beto

ta vandaka ti Mfumu Yesu ntangu yonso. —1 Tesalonika 4:16, 17

INKI MUTINDU YESU TA VUTUKA? — 48



Beno tala, yandi ke kwisa na kati ya matuti! Bantu yonso ta mona yandi.... —Kusonga 1:7

Keba sambu bakristo ya luvunu ti baprofeti ya luvunu kusa beno ve.

"...Kana muntu kutubila beno nde: `Beno tala, Mesia kele kwaku!' to `Yandi kele kuna!' beno kwikila yandi ve." —Matayo 24:23, 26

YESU TA VUTUKA NSWALU NA MATUTI YA ZULU

"...Na ntangu yina bantu ya makanda yonso ta dila, bo ta mona Mwana-muntu ke kwisa na zulu ya matuti, na ngolo ti na lukumu ya nene." —Matayo 24:30

NKUNGA YA NGUNGUDI YA MBOTE

Bankunga 23:1, 3-6

¹Mfumu Nzambi, nge kele ngungudi na mono, mono lenda konda kima ve. ³Nge ke pesaka mono ngolo na ntima. Nge ke nataka mono na nzila ya mbote sambu na zina na nge mosi Mfumu Nzambi.

⁴Mfumu, mono lenda wa boma ve ata mono kwenda na nzila ya mpimpa mingi bonso lufwa, sambu nge kele ti mono; nge ke nataka mono ti nti na nge, nge ke taninaka mono; yo ke pesaka mono kikesa. ⁵Nge ke sadilaka mono fete na meso ya bambeni na mono; nge ke yambaka mono bonso muntu ya lukumu, nge ke fulusaka dikopa na mono meke.

⁶E, na luzingu na mono yonso mono ta monaka kaka mambote na nge, nge ta zolaka mono tii kuna. Mono ta vandaka kaka ntangu yonso na nzo na nge, Mfumu Nzambi.

Kana nge zola kubaka baleso ya nkaka ke tendula Ndinga ya Nzambi, nge lenda sonika na adresse yai:

If you are interested in receiving additional Scripture booklets, write to the publisher in English at the address below or order [online](#):

World Missionary Press, Inc.
P.O. Box 120
New Paris, Indiana 46553-0120 U.S.A.

1099